

**45. fundur Byggingar-,skipulags- og umhverfisnefnd haldinn Strandgötu 38,
2. mars 2020
og hófst hann kl. 19:00.**

Fundinn sátu:

Einir Steinn Björnsson (ESB), formaður, Benedikt Davíð Hreggviðsson (BDH), aðalmaður, Aðalsteinn Magnússon (AM), aðalmaður, Jóhann Birkir Helgason (JBH), byggingafulltrúi og Óskar Örn Gunnarsson (ÓÖG), skipulagsfulltrúi.

Fundargerð ritaði: Einir Steinn Björnsson, Formaður

Dagskrá:

1 Breyting á deiliskipulagi - Norður botn - 1902432

Tekin fyrir Skipulags- og matslýsing dags. í febrúar 2020 er varðar breytingu á aðalskipulagi Tálknafjarðarhrepps og breytingu á deiliskipulagi Norður-Botns. Breytingin felur í sér að framleiðslugeta á laxa- og regnbogasilungaseiðum aukist úr 1000 t/ári í 2400 t/ári. Deiliskipulagssvæðið stækkar um 2,6 ha til norðurs og tekur til 25 ha svæðis, þar af eru 22,4 innan gildandi skipulags. Hámarks byggingarmagn verður 45.000 m².

Vegna athugasemda sem Skipulagsstofnun gerði með bréfi dags. 26. nóvember 2019 þá þurfti að gera þannig breytingar á lýsingunni að ástæða þykir að endurauglýsa lýsinguna kynna hana á ný fyrir almenningi og senda til umsagnaraðila.

Byggingar-, skipulags- og umhverfisnefnd leggur til við sveitarstjórn að heimila að skipulags- og matslýsing verði kynnt opinberlega skv. skipulagslögum nr.123/2010 og lögum um umhverfismat áætlana nr. 105/2006. Skipulags- og matslýsing verði tekin til meðferðar í samræmi við 40. gr. í VIII. kafla skipulagslaga nr. 123/2010.

2 Umsókn stöðuleyfi - 1911660

Tekið fyrir erindi Hermann Jóhannssyni dags. 16. desember 2019 þar sem mótmælt er stöðuleyfisgjaldi sem lagt var á tvo 20 feta gáma í hans eigu.

Byggingarfulltrúa falið að taka út gámana, stærð og legu og leggja fyrir á næsta fundi.

3 Fráveitukerfi Tálknafjarðar - 1906405

Tekið fyrir minnisblað byggingarfulltrúa dags. 16. janúar 2020 er varðar fráveitukerfi Tálknafjarðar.

Byggingarfulltrúa falið að senda bréf til framleiðslufyrirtækja í Tálknafirði og fá upplýsingar um búnað fyrirtækin eru með til að koma í veg fyrir að óæskileg efni fari í fráveitukerfið.

4 Vatnsveitukerfi Tálknafjarðar - 1910499

Fimmtudaginn 20. febrúar 2020 voru opnuð tilboð í verkið Vatnaveita Tálknafjarðar, endurnýjun lagna. Um er að ræða endurnýjun á vatnslagna ofan við Strandgötu 22 til og með Strandgötu 2. Jafnframt að hringtengja lagnir í Móatúni og Túngötu ásamt því að skipta um vatnsloka í þessum götum skv. útboðsgögnum.

Lagt fram til kynningar.

5 Endurvinnsluhlutfall heimilisúrgangs í sveitarfélaginu - 2001105

Tekið fyrir bréf Umhverfisstofnunar dags. 10. janúar 2020 er varðar endurvinnsluhlutfall Tálknafjarðar auk þess sem kynnt er ný viðmið er varðar endurvinnsluhlutfall heimilisúrgangs. Lágmarks endurvinnsluhlutfall skal vera 50% árið 2020, 55% 2025, 60% 2030 og 65% 2035.

Byggingar-, skipulags- og umhverfisnefnd bendir á að í nýju útboði á sorphirðu þurfi að koma skýrt fram hvernig skráningu er háttað á endurvinnsluefnum og almennu sorpi.

Fleira ekki gert. Fundi slitið kl. 20:00.

Einir Steinn Björnsson (ESB)

Benedikt Davíð Hreggviðsson
(BDH)

Aðalsteinn Magnússon (AM)
